



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1732. usque ad annum 1734

**Fleury, Claude**

**August. Vind. [u.a.], 1785**

**VD18 90119339**

§. 3. Ludovici XV. Galliarum Regis indignatio contra Pariensis Parlamenti ausus.

---

[urn:nbn:de:hbz:466:1-67683](https://nbn-resolving.org/urn:nbn:de:hbz:466:1-67683)

ac civile Regimen potestatem arrogasse, eoquod edicti sui executionem Regiis Administris demandasset.

Sæc. XVIII.  
A. C. 1732.

§. III.

*Ludovici XV. Galliarum Regis indignatio contra Parlamenti ausus.*

**H**aud latuit Regem tam Sacerdotum rebellio contra suum Archiepiscopum, quam usurpata Parlamenti jurisdictione in res sacras; cum ergo suum quoque edictum, quo has novellas eodem tempore proscripserat, vilipendi, & Parlamentum, quod tamen ejus mandatis obtemperare, eaque fideliter exequi debuisset, in ipsa Regia jura involare cerneret, graviter inde commotus, primo Parlamenti Præsidi, aliisque duobus Præsidibus significari iussit, ut ad diem octavam Maij Compendium venirent, Regis iussa percepturi: Comparent illi præstituta die, & Rex per Aqueissoum Cancellarium suum illis denuntiabat, se probe instructum esse de tumultibus, qui ob Parisiensis Archiepiscopi mandatum hucusque in totius Regni Metropoli concitati fuissent, facilius esse mala futura prævenire, quam præsentibus remedium afferre, hinc sibi firmum fixumque esse,

Sæc. XVIII. omniū controversiarum circa Religio-  
 nem exortarum cognitionem præcipue  
 A. C. 1732. circumscriptis circa Constitutionem *Unigenitus* soli suo  
 reservare iudicio, proin Parlamento  
 severe inhibere, ne in hæc controver-  
 sias inquirere, aut quovis pacto desu-  
 per deliberare, Congressus habere, vel  
 acta in tabulas referre, aut has ob  
 causas sive in Curia, sive in Aula con-  
 venire præsumeret, si vero quis priva-  
 tus libellum supplicem circa conten-  
 tiones in Ecclesia Gallicana motas Par-  
 lamento porrexerit, illud obstringi, ut  
 quid hac in re agendum, prius Regis vo-  
 luntatem & iussa exploraret: de cetero  
 autem, quæ nunc percepisset, mox ad  
 acta referret &c. Altera die Præses  
 hæc Regis iussa Parlamento exposuit,  
 petiitque, ut cuncta in Parlamenti ta-  
 bulas referrentur, & Regiis mandatis  
 sine tergiversatione omnes obtempera-  
 rent. Verum Senatorum potissimis  
 longe alia infederat opinio: quapropter  
 die duodecima Maij habito confesso  
 declararunt, se potius Consulatum ab-  
 dicaturos, quam permissuros, ut hac  
 ratione fundamentales Regni leges pes-  
 sumdarentur; Regis enim mandato ab-  
 rogari appellationes *ab abusu*, has vero  
 unicum esse Gallicanarum libertatum  
 fulcimentum, ac vetustissimum tam Na-  
 tionis quam Parlamenti privilegium,  
 id

id evertere Mazarinus nunquam fuisset  
 ausus & Richelius nunquam voluisset, Sæc. XVIII.  
A. C. 1732.  
 nunc vero Fleuryus everti præciperet:  
 Audaciores quoque ipsi Præsidi iusul-  
 tabant, eumque, si suæ satisfacere vel-  
 let conscientiæ & officio, loco abire,  
 sine fronte jusserunt, palam minitan-  
 tes, in Parlamenti scribam, si Regis  
 mandatum ad acta referre præsumeret,  
 legum severitate actum iri.

## §. IV.

*Parlamentum a Regis alloquio  
 exclusum*

Priusquam Parlamenti Patres, quid  
 hac in re agendum, communi con-  
 silio decernerent, rursus primus Præ-  
 ses & cujuslibet Curix Decani die de-  
 cima ejusdem Mensis comparere jube-  
 bantur, quibus paucis significatum, ut  
 protinus Regiis jussis parerent, nec  
 minimum quid de causis Ecclesiasticis  
 statuerent. Accepto hoc responso de-  
 crevere Patres, conficiendam esse ora-  
 tionem, in qua Præses causæ gravi-  
 tatem, Regii mandati indignitatem,  
 malaque inde oritura gravissimis verbis  
 Regi exponeret. Suggerebat etiam  
 Titonus Senator, sequendum esse hac  
 in re Virodunensis Parlamenti exem-  
 plum, quo in pari causa Anno 1626.